



## JELĀ MARON KO AM

### Jibañ in Ejmour ikijen Nejnej

## Emelim im Ewōr Kejbarok ko Iomwin Kakien ñan Jolok Niñniñ ilo Lojeen Kūrae ilo State eo an Washington

### Washington ej Kamool an Armij Maron Jolok Niñniñ ilo Lojeen Kūrae:

- Ewōr an aoleb kūrae ilo Washington jimwe im maron ñan jolok niñniñ jen lojeen kūrae kin jabdewōt wāween ak wūnin aer jolok mokta jen lale an juon niñniñ maron mour ñe ejab bed iloan lojeen jinen (tarrin 24 wiik ilo ien bōroro).<sup>1</sup>
- Alikin lale ñe niñniñ eo iloan lojeen jinen emaron mour, emelim jolok niñniñ jen lojeen kūrae ilo Washington elañe wāween in aikuj ñan kejbarok mour ak ejmour eo an kūrae eo.<sup>2</sup>
- Ilo Washington, armij ro jekdoon joñan iio eo aer ewōr aer maron in lelok kōmelim ikijen aer bōk jibañ ko jen taktō ñan jolok niñniñ jen lojeen kūrae. Washington ejab aikuj kōmelim jen jinen ak jemen juon jodikdik, rikejbarok ak armij eo jeran ak belen juon kūrae bwe ren maron jolok niñniñ eo iloan lojeen.<sup>3</sup>

### Ilo Washington Ejab Ajeeded Melele ko ikijen Jolok Niñniñ jen Lojeen Kūrae:

- Ekkā an taktō ro ilo Washington jab kwalok melele ko ikijen an juon kūrae taktō ñe ejellok kōmelim rar lelok ilo jeje.<sup>4</sup>
- Jino jen 2024, Bejnej ko ilo Washington rejab maron kwalok ak wia kake jejjetin kain melele in taktō ko, ekoba melele kin ejmour ko ikijen nejnej im nañnimij ko rej walok ibben jiron imlikao, ilo an ejellok kōmelim jen armij eo.<sup>5</sup>

- Ewōr an kūrae ro melim iomwin kakien ñan lolorjak ke renaj jilkinlok aoleb melele ko ikijen jolok niñniñ jen lojeen kūrae ñan er im ejab armij eo ej kollaiki injuran in taktō eo aer (ekoba jinen im jemen).<sup>6</sup>
- Ñan jañiji ia eo rej jilkinlok melele in, jeiki etam, kanne aoleben, jaini etam im jilkinlok juon [Peba in Kajjitōk an Jab Diwōjlok Melele](#) ñan kombani in injuran in taktō eo am.<sup>7</sup> Kwōmaron bar kall ae lok kombani in injuran in taktō eo am ñan kajjitōk an jab diwōjlok melele in.

### Washington ej Aikuj an Injuran Kolla Wonnen Jerbal in Jibañ ko ikijen Jolok Niñniñ jen Lojeen Kūrae:

- Aoleb injuran in taktō ko rej bed iomwin kakien ko an state im rej kolla wonnen bōrōrō ak kōlotak emelim iomwin kakien ñan aer bar kolla wonnen jolok niñniñ jen lojeen kūrae, ekoba jolok niñniñ jen lojeen kūrae kin kein kōmadmōd/wūno (ilo ien rej kōjberbal wūno batin ñan kabōjrak an juon kūrae bōroro).<sup>8</sup> Ekkā, injuran in taktō ko remaron jab bar kolla wonnen jibañ ko ikijen manman lojeen kūrae.<sup>9</sup>
- Burokraam in injuran in taktō eo an Washington, Apple Health (Medicaid), enaj kolla wonnen jolok niñniñ jen lojeen kūrae ñan ro remaron tōbrak aer bōk jibañ in kōmadmōdin.<sup>10</sup>
- Ñe ejellok am injuran, ewōr burokraam ko an State remaron jibañ kwe kin kein kōmadmōd ko rej jolok niñniñ jen lojeen kūrae.<sup>11</sup>

1 RCW (Revised Code of Washington, Kakien ko Emōj Kakobaba an Washington) 9.02.100, .110, .170.

2 RCW 9.02.110.

3 RCW 9.02.100; *bar lale* Kakien ko ilo 2022, jepta 65, § 1(5).

4 RCW 70.02.020(1); 45 CFR (Code of Federal Regulations, Kakien ko emōj Kalikar an Kien eo loaleb an Amedka) § 164.502.

5 Kakien ko ilo 2023, jepta 191 (Kakien in Washington ej Kejbarok Ejmour eo an Juon im Melele ko an Juon [Washington My Health My Data Act]). Bejnej ko rej aikuj loor mennin aikuj jino jen Maaj 31, 2024, im bejnej ko redik rej aikuj loor mennin aikuj jino jen Juun 30, 2024.

6 WAC (Washington Administrative Code, Kakien in Kōmadmōd eo an Washington) 284-04-510.

7 Ewōr Peba in Kajjitōk in ilo: [https://www.insurance.wa.gov/sites/default/files/documents/confidentiality-request-form\\_0.pdf](https://www.insurance.wa.gov/sites/default/files/documents/confidentiality-request-form_0.pdf).

8 RCW 48.43.073; <https://www.insurance.wa.gov/coverage-abortion-services>.

9 Kakien ko ilo 2023, jepta 194 (amending RCW 48.43.073). Ñe ewōr juon am injuran in taktō eo emaron kōmmāne jermal in ikijen juon HSA (health savings account, akkoun in taktō eo kwōj kanne kobban ñan taktō), injuran eo am emaron kōmmān an bar kolla wonnen jolok niñniñ jen lojeen kūrae, bōtab kin joñan eo ediktata aikuj ñan kejbarok am maron kajjitōk wonnen ko ejellok eowoj im kankan ko jen HSA eo am.

10 Apple Health (<https://www.hca.wa.gov>) ej kolla wonnen jolok niñniñ jen lojeen kūrae, lale kūrae ālikin aer jolok niñniñ jen lojeen kūrae, im bebe ko an baamle ālikin jolok niñniñ jen lojeen kūrae. Ñe ejellok am injuran in taktō im kwōjab maron tōbrak ñan Apple Health, kwōmaron ebōk jibañ jen juon jikin taktō, taktō eo ej jibañ ikijen jolok niñniñ jen lojeen kūrae, ak Jāan in Jibañ ñan Jolok Niñniñ jen Lojeen Kūrae (Northwest Abortion Access Fund) (<https://nwaafund.org/>).

11 Ñan lale elañe kwōmaron tōbrak, kwōmaron kōjberbal peba in etale eo ej kōmmān moktalok: <https://www.washingtonconnection.org/prescreening/home.go?action=Introduction>.



## JELĀ MARON KO AM

### Jibañ in Ejmour ikijen Nejnej

#### **Kora ro Rebōroro jen State ko Jet Remaron Bōk Jibañ in Taktō ko ñan Jolok Niñniñ jen Lojeen Kūrae ilo Washington:**

- Armij ro rebōroro jen state ko jet remaron itok ñan Washington ñan aer bōk jibañ ko rej jolok niñniñ jen lojeen kūrae.<sup>12</sup>
- Bulijmaan, opij, im jikin ekajet ko ilo Washington emo aer bōk kwōnaer ilo etale ko ilikin state ikijen maron ko an armij iomwin kakien im ruprup in kakien ko relab ak kōmadmōdin kakien ko jet ikijen jibañ ko jen taktō rekkar kōmman iloan Washington.<sup>13</sup>
- Jino jen 2024, jejetin melele in taktō emōj aen ilo Washington, ekoba armij ro rej jokwe ilo state ko ilikin im rej itōk ñan Washington, rejab maron aen, kwalok, ak wia kake ñe ejellok kōmelim.<sup>14</sup>
- Taktō ro ewōr aer laijen reban bōk kaje in katak ko ilo Washington kin aer lelok jibañ ko rej ikijen jolok niñniñ jen lojeen kūrae, jekdoon ñe juon bar state enaj kōmmane kōmadmōd eo ej lelok katak kin bōd in jermal.<sup>15</sup>

#### **Washington ej Kejbarok Maron eo Am ñan an Ejellok Uwōta ñan Bōk Jibañ ko ikijen Jolok Niñniñ jen Lojeen Kūrae ak Kein Bōbrae ko jen Bōroro:**

- Kakien eo an Washington ej kamo an jabdewōt armij kakkure ak kōjorrāan am maron kōjermal jikin taktō ko, ekoba jibañ ko ikijen jolok niñniñ jen lojeen kūrae.<sup>16</sup>
- Kwōmaron bōke jibañ ko ikijen manman lojeen kūrae jen taktō ro im bareinwōt taktō in rijibañ im nōōj ro emōj kile elab katak ko emōj aer bōki kin jermal ko aer.<sup>17</sup>

- Kwōmaron kenono ibben taktō eo am ilo talebon ak kombutor (juon ien taktō ilo kein jermal kapeel in raan kein) im lolorjak aer mael ae waj am wūno batin ko rej jolok niñniñ jen lojeen kūrae ñan juon atorej iloan State eo an Washington.<sup>18</sup>
- Juon aujbitol ak bar juon jikin jermal emaron kabōjrak an juon taktō lelok jibañ in kōmadmōd ñan juon rinañinmij eo ewōr an nañinmij ko ikijen an bōroro (ekoba wōtlok lojeen ak an ko eo jab maron edek iloan jinen) im ej lelok uwōta, nañinmij ko rekauwōtata, ak kakkure jermal ko an enbwinin rinañinmij eo.<sup>19</sup>
- Ewōr am maron in ebōk kein bōbrae jen bōroro ilo jabdewōt joñan yiō ilo State eo an Washington.<sup>20</sup>

#### **Kwōn jelā kin “Jikin Bōroro ko Rekauwōtata (Crisis Pregnancy Center)”:**

- Jelā kin jikin taktō ko rej ba remaron lewaj jibañ in taktō ko ikijen nejnej bōtab rej makoko in jolok ninnin jen lojeen kūrae ak lewaj jermal in lemaanlok ko ikijen jolok niñniñ jen lojeen kūrae. Ekkā ad kūr kain jikin taktō in “Jikin eo ej Lale Bōroro Kauwōtata.”
- “Jikin ko rej lale Bōroro Kauwōtata” rej lelok jibañ jen rijermal ak rijibañ ro ejellok aer laijen in taktō im lelok melele ko rejabiknik, im melele in nañinmij ko rejab jejet aer jimwe. Jikin taktō kein rejab aikuj loor aikuj ko iomwin HIPAA (Health Insurance Portability and Accountability Act, Kakien eo ej Kejbarok Wāween Kōmadmōd im Kejbarok Melele ko an Rinañinmij) im emaron jab kejbarok an melele in taktō ko am jab diwōjlok.<sup>21</sup>

12 RCW 9.02.110.

13 Kakien ko ilo 2023, jepta 193; *bar lale* RCW 9.02.100.

14 Kakien ko ilo 2023, jepta 191.

15 Kakien ko ilo 2023, jepta 192. Ñe ewōr an taktō ro kajitōk kin maron ko aer iomwin kakien ñan lelok ak jibañ ikijen jolok niñniñ jen lojeen kūrae ilo jejetin wāween ko, ak ñe emōj kōlelñon in kalbuj ak ekajet ilo imōn ekajet, ewōr rojañ jen loar im an loar jutak ikijeir (ejellok wonnen) ilo <https://abortiondefensenetwork.org/>.

16 RCW 9A.50.020.

17 RCW 9.02.110.

18 Bebe C ej lewaj laajrakin etan taktō ro remaron lewaj jermal in jibañ in ilo kein jermal kapeel ko an raan kein, <https://www.plancpills.org/states/washington>. Jikin taktō ko ekoba [Jikin Taktō ko an Cedar Rivers \(Cedar Rivers Clinics\)](#) im [Planned Parenthood \(Opij eo ej Jibañ Lelok Kein Bōbrae im Jibañ ikijen Nejnej\)](#).

19 RCW 70.400.020.

20 RCW 9.02.100.

21 Kejbarok ko iomwin Federal ñan Kejbarok Melele in Taktō ko an Rinañinmij (einwōt ad jela HIPAA) ekka wōt an jermal ñan taktō ro ewōr aer laijen in jermal im rijermal im rikōmadmōd ro aer. 45 CFR § 164.502. Kakien eo ekāal an Washington im ej kejbarok melele in taktō enaj jejetin kūtien ilo 2024. Kakien ko ilo 2023, jepta 191.



## JELĀ MARON KO AM

### Jibañ in Ejmour ikijen Nejnej

#### **Bukōt Taktō ro rej Jolok Niñniñ jen Lojeen Kūrae:**

- Jāan in Jibañ ñan Jolok Niñniñ jen Lojeen Kūrae (Northwest Abortion Access Fund) im Doulul eo an Aoleben Aelon eo ej Lale Kakien ko rej Kejbarok ikijen Jolok Niñniñ jen Lojeen Kūrae (National Abortion Federation) rej kejbarok laajrakin etan jikin im taktō ro remaron kōmmane jermal ko ikijen manman lojeen kūrae ilo Washington.<sup>22</sup>
- Kwōmaron tōbrak ñan Apple Health ñan injuran eo ej kōjejjēt taktō ro kwōmaron taktō ibbeir ñe ejab Apple Health an Kūrae. Injuran kein ruo rej kolla wonnen jolok niñniñ jen lojeen kūrae, taktō alikin aer jolok niñniñ jen lojeen kūrae, im bebe ko an baamle ālikin jolok niñniñ jen lojeen kūrae.
- Ñe ewōr am Injuran in Taktō ibben Providence (Providence Health Plan) im ear jino ilo Washington, DOH (Department of Health, Ra eo an Ejmour) enaj kolla wonnen jermal in jibañ ko ikijen jolok niñniñ jen lojeen kūrae toon wōt am bōke jermal ko jen taktō eo ej errā an DOH naj lelok kolla eo.<sup>23</sup>

#### **Ewōr an Washington Kakien eo Ejenolok ej**

#### **Kejbarok ikijen Bōbrae jen Bōroro im Kein Bōbrae jen Bōroro ilo Idin Ien:**

- Jikin ebōk wūno ko ilo Washington rej aikuj kadedelok peba in wūno ko remool, ekoba wūno ko jen taktō ñan jolok niñniñ jen lojeen kūrae, kein bōbrae jen bōroro ilo idin ien, im kein bōbrae jen bōroro, ijellokun ewōr wūnin ikijen nañinmij (einwōt juon abnōnō ak mennin kadek) ak jikin ebōk wūno eo ejellok an wūno eo im ejab maron mokaj an bōke.<sup>24</sup>
- Ekkā an kakien eo an Washington aikuj an aoleb injuran in taktō ko rej kakien ibben state (ekoba injuran in taktō ko an rijikuul) ñan kolla kajojo wāween kein bōbrae jen bōroro emōj an FDA (Food and Drug Association, Opij eo ej Kakien Mōñā im Wūno) kōmelim, ekoba kein bōbrae ilo idin ien im wāween ko rejab aikuj peba in wūno ko jen taktō, ekkā ilo an ejellok wonnen ak ejellok mo ak rumij.<sup>25</sup>
- Aoleb aujbitol ko ewōr ruum ko rej lelok jibañ in kōmadmōd ko ilo idin ien rej aikuj lelok juon idin kein kōmadmōd ñan bōbrae bōroro ñan ro rar kakkure er kin mantin lōñ.<sup>26</sup>

22 Emōj laajrak etan jikin ko rej lelok jibañ kein ilo website eo an Ra eo an Ejmour (Department of Health) an Washington, <https://doh.wa.gov/you-and-your-family/sexual-and-reproductive-health/abortion>. Bar lale Jāan eo ej Jibañ an Aoleb Armij ro ilo jikin ko Eañ in Ralik Maron Jolok Niñniñ jen Lojeen Kūrae [www.abortionfinder.org](http://www.abortionfinder.org); Doulul eo an Aoleben Aelon eo ej Lale Kakien ko rej Kejbarok ikijen Jolok Niñniñ jen Lojeen Kūrae ([www.prochoice.org/patients/find-a-provider](http://www.prochoice.org/patients/find-a-provider)).

23 <https://doh.wa.gov/you-and-your-family/sexual-and-reproductive-health/abortion/increasing-access-reproductive-choice>.

24 WAC 246-945-415; *Stormans, Inc. nae Wiesman*, 794 F.3d 1064 (9th Mōttan 2015).

25 RCW 48.43.072; WAC 284-43-5150; <https://www.insurance.wa.gov/reproductive-and-birth-control-health-rights>.

26 RCW 70.41.350; WAC 246-320-286.